



Sabtu, 26 September 2020
LUKAS 16: 10-12



TUTUS IBAS SIKITIK



Edit with WPS Office



bas masyarakatta megati lit kuan-kuanen “mis atena ngerauk, padahal njemput denga nge arusna” em sada istilah man kalak si merangap si megati ibelaken. Kepeken i bas kai pe la kap mehuli merangap enda. Nina Pilipi 2: 3, ola bahanndu kai pe erpalasken kerangapen. Merangap enda maknana la mehuli, muat kai pe lebih bagi arusna, seh maka banci jadi si la sikerajangenna pe ibuatna. Arah situasi e kita iajuk ngidah ras tek maka, situhuna i bas paksana adi payo akap Tuhan iberekenNa nge kesempatan si mbelin si mereken keuntungan si mbelin ka bas kegeluhenta. Tapi syaratna emekap tutus i bas si kitik.

Konteks percakapen Lukas 16 enda eme kerna Kinirajan Dibata. Sada kerajan nggo pasti melala ertana i je, janah labo sempat raja ngurusu perbendaharan e, emaka iangkatna nge si erdahin si ngurusisa. Si ngurus perbendaharan e biasana orang kepercayaan ras terpercaya kin ia. I bas doni enda pe kita desken si njemak ras ngaturken perbendaharan Tuhan. Uga pemakenta i bas titipen sikerajangen Dibata e, iperhitungken Tuhan ras iperdiatekenna. Adi kita sekalak si terpercaya, maka si eteh pemere Dibata e arus sigunaken man keperluan tapi pe la lupa maka pemere e ipake ka guna peningkaten kiniteken ras nampati kalak sideban. Tapi mbue kepe kalak si la terpercaya. Ia la setia ibas ndarami ras makeken erta doni, bageka pe kesetianna nandangi hal-hal rohani la lit. Sekalak jelma la banci dua tuanna, sen ras Dibata. Keleng ate nandangi sen jadi urat kerina kejahatan. Emaka labo sen perayaken bas doni enda, enda hal si kitik iadepen Dibata. Tapi adi terpercaya kita soal sen e, la ia jadi perayaken tapi si pake jadi alat memajukan kinirajan Tuhan ras guna keselamatan kalak sideban. Ipercayaken kita ngoratken si terbelinen, emekap kuasa jadi bagin i bas kinirajanNa.

Moria GBKP iajuk gelah tetap terteki kita i bas kai pe alu





ngelumbaken Kata Dibata sendah eme tutus kita i bas sikitik, alu bage ibere Dibata si terbelinen man banta. Kalak si teruji i bas kerina perdalanen geluh nge si banci ngenanami kerina si mehuli.

